

KIS Interpretimi 29

Marrëveshjet e Konkensionit për Shërbimet: Dhënia e informacioneve shpjeguese

Referencat

- SNK 1 *Paraqitja e Pasqyrave Financiare* (i rishikuar në vitin 2007)
- SNK 16 *Aktivitet Afatgjata Materiale (Toka, Ndërtesa, Makineri e Pajisje)* (rishikuar në 2003)
- SNK 17 *Qiratë* (ndryshuar në 2003)
- SNK 37 *Provizionet, Pasivet dhe Aktivitet e Kushtëzuara*
- SNK 38 *Aktivitet Jo-Materiale* (i rishikuar në vitin 2004)
- KIRFN 12 *Marrëveshjet Konkensionare të Shërbimit*

Çështja

- 1 Një njësi ekonomike (operatori) mund të lidhë një marrëveshje me një tjetër njësi ekonomike (dhënësi i konkensionit) për të siguruar shërbime që i japin mundësi publikut të shfrytëzojë lehtësirat ekonomike dhe shoqërore. Dhënësi i konkensionit mund të jetë një njësi ekonomike e sektorit privat ose atij publik, përfshirë një organ qeveritar. Shembuj të marrëveshjeve të konkensionit për shërbimet përfshijnë ato për lehtësirat e furnizimit dhe të trajtimit të ujit, autostradat, vendparkimet, tunelet, urat, rrjetet e aeroporteve dhe telekomunikacionit. Shembuj të marrëveshjeve që nuk janë marrëveshje të konkensionit për shërbime përfshijnë një njësi ekonomike që ofron mundësinë e shfrytëzimit të shërbimeve të saj të brendshme (p.sh. bar kafe për punonjësit, mirëmbajtja e ndërtesës dhe funksionet e kontabilitetit dhe të teknologjisë së informacionit).
- 2 Një marrëveshje konkensionare shërbimi në përgjithësi përfshin dhënësin e konkensionit që i kalon operatorit për periudhën e konkensionit:
 - (a) të drejtën e kryerjes së shërbimeve që i japin publikut mundësinë të shfrytëzojë lehtësirat kryesore ekonomike dhe shoqërore, dhe
 - (b) në disa raste, të drejtën për të përdorur aktivitet materiale të specifikuar, aktivitet jomateriale, ose aktivitet financiarë,
 në këmbim që operatori nga ana e tij:
 - (c) të angazhohet për të siguruar shërbime në lidhje me disa terma dhe kushte gjatë periudhës së konkensionit, dhe
 - (d) kur është e mundur, të kthejë në fund të periudhës së konkensionit të drejtat e marra në fillim të kësaj periudhe dhe/ose të përfutur gjatë periudhës së konkensionit.
- 3 Karakteristika e përbashkët e të gjitha marrëveshjeve të konkensionit për shërbimet është që operatori merr një të drejtë dhe ka një detyrim për të kryer shërbime publike.
- 4 Çështja është se çfarë informacioni shpjegues duhet të jepet në shënimet në pasqyrat financiare të një operatori dhe një konkensiondhënësi.
- 5 Disa aspekte dhe dhënia e informacioneve shpjeguese në lidhje me disa nga marrëveshjet e konkensionit për shërbimet, tashmë, janë trajtuar nga Standardet ekzistuese të Raportimit Financiar (p.sh. SNK 16 zbatohet për zërat toka, ndërtesa, makineri e pajisje, SNK 17 zbatohet për qiratë e aktiveve dhe SNK 38 zbatohet për blerjet e aktiveve jomateriale). Megjithatë, një marrëveshje konkensionit për shërbime mund të përfshijë kontratat përmbartuese që nuk janë

trajtuar në Standardet e Raportimit Financiar, me përjashtim kur ato janë detyruese, rast në të cilin zbatohet SNK 37. Prandaj, ky Interpretim trajton dhënien e informacioneve shpjeguese shtesë për marrëveshjet e koncensionit për shërbimet.

Konsensusi

- 6 Për të përcaktuar informacionin e duhur shpjegues që jepet në shënimet do të trajtohen të gjitha aspektet e një marrëveshje koncensionit për shërbime. Në çdo periudhë, një operator dhe një koncensiondhënës do të japin informacionin shpjegues të mëposhtëm:
- (a) një përshkrim të marrëveshjes;
 - (b) temat e rëndësishëm të marrëveshjes që mund të ndikojnë në shumat, afatin dhe në sigurinë e flukseve monetare (p.sh. periudha e koncensionit, datat e rivendosjes së çmimit dhe bazën mbi të cilën përcaktohet rivendosja ose rinegociimi i çmimit);
 - (c) natyra dhe shtrirja (p.sh. sasia, periudha kohore ose shumat e duhur) e:
 - (i) të drejtave për të përdorur aktivet e specifikuar;
 - (ii) detyrimeve për të siguruar ose të drejtave për të kërkuar sigurimin e shërbimeve;
 - (iii) detyrimeve për të përfutur ose ndërtuar zërat toka, ndërtesa, makineri e pajisje;
 - (iv) detyrimeve për të dorëzuar ose të drejtave për të marrë aktivet e specifikuar në fund të periudhës së koncensionit;
 - (v) opsioneve të rinovimit dhe të përfundimit; dhe
 - (vi) të drejtave dhe detyrimeve të tjera (p.sh. kontrollet e përgjithshme);
 - (d) ndryshimet që ndodhin në marrëveshje gjatë periudhës; dhe
 - (e) si janë klasifikuar marrëveshjet e shërbimit.
- 6A Një operator do të japë informacion shpjegues për shumën e të ardhurave dhe fitimeve ose humbjeve të njohura nga kryerja e shërbimeve të ndërtimit në këmbim të një aktivi financiar ose një aktivi jomaterial.
- 7 Në përputhje me paragrafin 6 të këtij Interpretimi, informacioni shpjegues kërkohet të jepet veças për çdo marrëveshje koncensionit për shërbime ose në total për secilën klasë të këtyre marrëveshjeve. Një klasë është një grupim i marrëveshjeve të koncensionit për shërbime të të njëjtës natyre (p.sh. mbledhja e taksave, shërbimet e telekomunikacionit dhe të trajtimit të ujit).

Data e Konsensusit

Maj 2001

Data e hyrjes në fuqi

Ky Interpretim hyn në fuqi më datën 31 dhjetor 2001.

Një njësi ekonomike do të zbatojë ndryshimin në paragrafin 6 (e) dhe 6A për periudhat vjetore që fillojnë më ose pas datës 1 janar 2008. Nëse një njësi ekonomike zbaton KIRFN 12 për një periudhë më të hershme, ndryshimi do të zbatohet për këtë periudhë më të hershme.